

Carta de Logu di Arborea / Codice rurale del giudice Mariano IV metà XIV secolo

CXLII. Qui iscongiarit vigna o orto

Constituimus et ordinamus qui nexuna persona de qualuncha istado over conditione siat deppiat over *presumat* ischungiare istudiosamente alcuna vigna over orto qui siat congiadu, et adprova<du> pro congiadu per issos iurados a ciò alletos. Nen etiam *deus* usit over *presumat* intrari in algunas vignas subraditas over ortos qui suo non siat de *tempus* alcuno, senza paraula de su pubillu de sa vingna over orto. Et qualuncha persona c'at esser acatada over l'at esser provado qui appat ischungiado studiosamente alcuna de sas dictas vignas over ortos, si lo<e> at mittiri bestiamen paghit, per ogra bolta qui loe at esser acatadu over l'at esser provadu, *libras* .x. assa camera nostra et siat maxelladu et mortu su bestiadini, secundu qui si contenit in su capidulo de subra, et fassat ad ispendiu suo congiare sa dita vigna over orto. Et niente de *minus* siat tenuto de pagare su *apreciu* et *tenturas*, secundu qui si contenit in su capidulo de subra. Et siat chertido su accusadore a sagramentu suo. Et si non avirit de undi paghari, istit in *prexioni* a voluntadi de su segnore prossa maquicia, et infini at qui ad aviri satisfactu su damnu qui ad aviri factu a su pobillu de sa vigna over orto. Et icussa persona qui at esser acaptadu intro desso dictas vignas over ortos pagit per dogna bolta, si est de *tempus* de fructura, *soldos* .xl. et satisfassat su damnu qui illoy at aviri factu. Et si non paghat infra .viii. dies. dae ssa die qui at esser tentu, siat posto in su panghulier, et si at aviri fatu damnu cussu fructu qui at aviri levado. Et si in su attero *tempus* dess'anno illoy intrarit alcuna persona, paghit assa corte *soldos* binti. /32v/ Et si non lus paghat, istit im *prexioni* a plachimentu nostru et assa dita pena. Et non si intendat cussu *homini* over *hominis* dessu pubillu dessa vigna over orto, over sos *hominis* qui 'lloy ant intrari a llavorare sas ditas vignas over ortos over per alcuno atero modo a voluntadi de su pubillu dessa vigna over orto, *nen* etiam *deus* cussos qui ant aviri vigna in castigu over ortos a lldos apare, qui de necessitadi convenit qui intrarit in su ortu dessu vigino pro passare et intrare a su suo. Ma chussos illoy possant intrari a ppee tantu in cussu loghu qui duos bonos *hominis* de cussos qui ant aviri vignas in su castighu over ant aviri desso dictos ortos, tenendo appare, ant providere qui si fassat s'aidu de intrare et via de passare, si veramente qui cussu qui at intrari et passare a sa vigna over orto suo, de qu'est naradu, congiat s'aidu qui 'lloy at esser ordinado, ghasi in su intrari comente in su exire, qui at fagheri de passare, qui best<i>amen intrari non loy possat a sa dicta pena per dogna bolta qui 'lloy at esser acaptada over provadu. Et si <a> su intrari over passare qui at fagheri a llevare aghina o araigna over fructu de atera vigna over orto qui suo non siat over illoy fagherit alcuno atero dampnu, siat *condempnado* comente et icussos qui intrant in vignas over in ortos de ateri, ut de subra est naradu. Et icusso pubillu de vigna over orto, o armentargiu o *homini* suo, over iurado electu a sa guardia desso vignas et ortos et labores, qui 'llu achaptarint in alcuna de sas dictas vignas et ortos, siat tenuto de accusare illu comente et issu bestiadini a sa pena qui si contenit de supra.

CLV. De cabras

/35v/ Item ordinamus qui totu cussus qui ant aver crabas illas deppiant tenne over fagher tenne ad *omnia tempus* de su annu in su monte, qui non si acostent assas vingias et ortos et labores et pardos, exceptu a *tempus* de istadi illas possant calari ass'aba, per modo et guisa qui *non* fassant damno. Et abbas qui 'llas ant aviri et multas illas, si mongere illas bolent in s'abadorgiu over in domo, et poscha illas deppiant torrare a su monte, per modo qui *non* fassant damno. Et icusso pastore qui non las boletet montare dae ssa prima die de *sancto* Guayni paghit pro sa prima bolta *soldos* .x. et comandit illu su officiale a su dictu pastore qui infra tres dies illas deppiat montare. Et si *non* obediret, illu deppiat tenne et mandare in *pregione* et fassat gordare cussu bestiadini ad ispesas de so dito pastore. Et si fagheret damno cussu bestiadini in vingias o in ortos, observet si secundum su capitulu de supra. Et si in pardos ant esser acatados, per ciascuna volta si maxellent de *pegus* dus per gamma et siat de cussu qui 'll'at maxellare. Et icusso qui at <aver a> maxellari et non lu maxellat pro amore o pro paura o pro atera causa qui si siat et illi at esser provadu paghit pro dogna bolta *soldos* .x. Et de ciò siat cretidu su accusadore a sagramentu suo et appat inde sa tersa parte de sa *condemnat<i>one* su acusadore *predictu*.

CLXXI. De pradargos

Volemus et ordinamus qui sos pradargios, *quando* ant andari a maxellari in pardu, ciò est vaca, berbegue, porchu, capra, non depiat maxellari, si non getat bogis tres. Et getadu qui at aviri tres bogis et issu pastore non si aparit, possat ochiere su pradargiu de sas vacas, ad de die unu pegus su *plus* minori qui 'lloy at esser, et ad de nocti su qui at poder. Et si non bastarit ad bullos .x., non depiat maxellari, si non qui 'llos fassat *tentura*. Et si contra fagherint, pagint sos ditos pradargios pro maquicia *libras* .v., et desso berbegues et desso porcos et desso cabras duas tantum per ciascuna gamma. Et si sos ditos pradargios acatarint sos pastoris in su bestiamini *quando* ant andari ad maxellari et bolent pagari sa *tentura*, qui su pradargiu, paghando·li sa *tentura*, non siant tenudos de maxellari, anti si li fassant sa *tentura*, sa quali deppiant levari pro sus armentos de sas vachas *soldos* .x. si est dae pegus .x. in susu, et dae pegus .x. in iosso paghit *soldos* .i. per testa, et de s'ateru bestiamini secundu de supra *soldos* .v. per gamma. Et qui contra at fagheri a su dictu capitulu, secundu de supra, paghit su iuradu de pardu pro maquicia a sa corte nostra *libras* .i. per iuradu.

CLXXIII. De terminis

Volemus et ordinamus qui nexuna persone de qualunca gradu o istadu usit *nen* *presumat* istrumari lacanas de terra qui sunt confinadas agenas. Et qui 'ndi at istrumari et ad levari termenes, et provadu·si·lli at esser legitimamente, paghit de maquicia a sa corte nostra *libras* .xxv. *sensa misericordia* alcuna et mendat sa terra <qui> at avere istrimadu. Et si non paghat infra dies .xv. de qui at esser iuygadu, seghit·illi sa manu destra.

CXCIV. De bestiamen

Volemus et ordinamus qui *totus* cussos qui ant aviri bestiamen domado over rude tenghant modo de guardare·llo o fagheri·illu guardare, secundu qui in sos capidulus de supra est narado. Et icussos boes domados et armentu de vachas domadas at aradu o covallus o ebbas o molentes domados, qui s'ant acatare in lavore nadu infini assa prima die de ienargiu, cussos pubillos dessu lavore hue s'ant acatare o armentargiu o *homini* suo over iurado de pardu tenere·llos at poder et *presentare*·llos a su maiore. Et per ciaschaduna desso ditas bestias paghit su pubillu, si *non* las at aviri missidas *in* muda o in corda o in guardia, ultra cussu qui si *contenit* in su atteru capidulu de mitere·llos in muda, paghit *soldos* .vi. per dogna bolta qui acatados ant esser. Et si *in* muda over a corda ant esser missidos over dadus a guardia, paghint sos dictos *soldos* .vi. per /41r/ bestia su pastore. Et si tenne forsi su bestiamen non si at poder, ischiri ant et conoschire de qui at esser s'at poder. Et si *connoschire* lu ant poder, benne at assu maiore de sa villa et declarare su ditu bestiamini. Et declarado qui 'lli at aviri et denunciado, de sa quale denunciatione siat cretidu su acatadore a su sacramentu suo, ad fagheri paghare dae ssu pubillu de su bestiamen over pastores qui ant esser in culpa, secundu qu'est naradu, *soldos* .vi. per bestia per ciaschuna volta qui 'lloy ant esser biidos et acatadus comente et qui 'llis averit *tentos*, de sa quale *condemnatione* deppiat aver et appat su acatadore sa tersa parti. Et dae sa prima die de ienargiu inante, *sensa* indi fagheri clamo over *denunciat*ione alcuna inante, lu possat et depiat lensari et ochire in su lavore qui 'll'at acatare, *sensa pena*, mittendo boghi o faghendo clamo de cusso bestiamen qui at aviri mortu over lensadu de presenti qui 'llu possant ischiri in sa villa o in sa *habitat*ione, de sa quale at esser mortu si in saltu non at poder acatare personas a qui 'llu possat declarare. Ma cussa die *non* passit, s'at esser hora debita, over sa seguente die, qui su ditu clamo *non* fassat a su maiore et a sos iurados de sa villa sa bestia over bestias de qui ant esser, qui 'llas ant cognoschere su pilamini, s'est de die. Et s'est de nocte, *non* siat tenuto a declarare pilamini, ma declarat et narit qui avirit lensadu bestiamen in su lavore qui 'll'at aviri lenzadu. Et si morrit *intro* de lavore suo over d'atiri, siat de cussu qui 'll'at aver morto over lensadu. Et si morret foras de lavore, siat de su pubillu de sa bestia qui at esser morta. Et pro cussos pegus qui 'lloy ant esser acatados, qui non ant esser mortos et apidos que su pubillu de su lavore no los at aviri, *bene qu'esserent* lensados, paghit su *apreciu* qui at aviri fatu in su lavore su pubillu over pastore de su bestiamen a su pubillu de su ditu lavore. Et si at esser una bestia qui si 'lloy at acatare, cussa deppiant ochire over lensare. Et si ant esser plus, duas bestias per bolta et non plus.

CXCV. Vingias

Constituimus et volumus nos obviari et dari remedio a sa malicia de multus qui sup̄ta specie et colore de sa guardia de vignas, ortos et labores non possant tenne nen dannigiare indebitamente su bestiamen domado over rude. /42r/ Ordinamus que nexuna persona, de qualuncha gradu, istadu over ordini siat, deppiat over presumat bestiamen alcuno miter in vignas, ortu over labores istudiosamente pro intentione qui 'lloy siat mortu, over tentu, over levare·llu dae ssu pastu over ochire·llu in pastu pro se over pro atero, et dari ad intendere qui 'llu appat mortu over tentu in vingia over orto o lavoro. Et icussu a qui at esser acatadu over provadu legitimamenti, et intendat·si qui siat prova legitima dae unu testimongio in suso in custu articulo tantu, non obstante qui dae subra narat qui siat cretidu a su sacramentu suo su acusadore, deppiat esser condemnadu et paghit per dogna bolta a sa camera nostra libras .xv. infra dies .xv. de qui l'at esser provadu. Et si non las pagat, siat fustighadu. Et issu simili si intendat de cussu qui at mitter in pardu de siilu over in pardu de mindas bestiamen qui at esser vedadu, ad intentione qui 'lloy esseret maxelladu, over tentu pro se over per atere. Et si cussu de qui esseret su dictu bestiamen over su pastore non poderet avere sa dicta proa et bolerent qui deberet iurare cussa persona ad qui de ciò avirit suspectu, cussa persona siat constricta a iurare qui in ciò non siat culpabili. Et si 'llu iurat, siat·indi leberadu de sa dita pena. Et si iurare non at boler qui non appat factu cussu qui su pubillu over pastore de su predictu bestiamen li at apponne, paghit sa pena qui de supra est narado et declarado.

CXLVIII. De fruttura

Constituimus et ordinamus qui qualunca persone de qualunca gradu, istadu, over conditione siat, non usit nen presumat levare over collire fruttura alcuna d'arbore qui siat in loghu iscongiadu contra voluntade de su pubillu, over guardianu de su predictu arbore, over arbores, ad pena de paghare, cussu qui 'lloy ad esser acatadu, over ill'at esser probadu, soldos .v. Et paghit sa fruttura qui 'll'at esser acatada et perdat·illa et siat·illi leada cussa propria fruttura et dadas et torradas assu pubillu dess'arbore. Et supra ciò paghit su damno et sa maquicia, ciò esti: si sa dicta fruttura fussi istetida leada de die paghit soldos .v. ut supra, et si esserit de nocte paghit soldos .x. Et de issa prova siat cretidu su acusadore at sacramento suo, anco qui siat su pubillo, over atera persona qui in cussa causa tantu pro beni qui siat parti, pro qui sa parte non debet fagheri testimongiu dae see istesu. Però per custa causa, bolemus qui su prescriptu capitulu appat legitimu loghu.